



Pou Piblikasyon Imedya: 17/03/2023

GOUVÈNÈ KATHY HOCHUL

GOUVÈNÈ HOCHUL ANONSE METWO VIL NEW YORK LA BAT REKÒ POU TRANSPÒ PASAJE NAN 16 MAS

Metwo yo te pote 3.94 milyon pasaje nan yon sèl jou pou premye fwa depi mas 2020

OMNY depase de milyon kat nan yon sèl jou pou premye fwa nan 16 mas; kay OMNY metwo a bat rekò nan plizyè jou konsekitif

Gouvènè Hochul te anonse jodi a ke Metro Vil New York te etabli yon rekò pasaje yè, jedi 16 mas la, ak 3,946,310 vwayaj peye. Sa a depase rekò anvan ki te etabli 8 desanm 2022, pa 11,000 vwayaj. Dènye fwa metwo yo te pote plis pase 3.94 milyon pasaje se te 12 mas 2020, lè 4.1 milyon Nouyòkè te pran tren an.

"Moun yo ap retounen nan tren nou yo paske nou te fè envestisman enpòtan nan sèvis ak sekirite", **Gouvènè Hochul te deklare.** "MTA a se fòs vital vil sa a, epi kantite pasaje sa yo montre ke New York ap kontinye fè yon gwo reyaparisyon."

Rekò sou transpò pasaje yo vini nan moman sistèm peman pri tikè san kontak Otorite Transpò Metropoliten (Metropolitan Transportation Authority, MTA), OSMY, atenn yon etap enpòtan tou. Nan dat 16 mas, metwo te anrejistre yon nouvo maksimòm pou kat OMNY yo ak 1.638 milyon, ki depase nivo rekò anvan yo te fikse jou anvan, 15 mas, lè 1.61 milyon kliyan metwo te itilize kat nan tounikè yo. Rekò jedi a, ansanm ak kat OMNY ki anrejistre nan otobis yo, te depase mak de milyon an nan yon sèl jou pou premye fwa.

Prezidan ak Direktè Egzekitif Jeneral MTA, Janno Lieber, te deklare, "De milyon kat OMNY tap nan yon sèl jou se yon etap enpòtan pou MTA a epi tou yon lòt rezon ki fè nou ap apwoche nan ba 4 milyon pasaje nan tren an. Moun ki te eseye OMNY konnen, rantre kat epi ale fasil ak OMNY se pi bon fason pou monte nan tren ak otobis, e mwen kontan pou m wè kliyan ki fè chanjman nan OMNY an kantite rekò."

Kwasans Kontinyèl OMNY

OMNY kontinye ap grandi nan pati mache pami kliyan Transpò Vil Nouyòk yo, ak premye yon milyon jounen kat yo atenn nan mwa avril 2022 a. MTA te rive nan etap 500 milyon kat OMNY total an septanm 2022 lè yon kliyan te pase kat li nan Grand

Central Terminal la. Kounye a, OMNY trete kat yo te bay yo nan 192 nan 195 peyi ki bay kat bankè

Kounye a, kliyan OMNY yo se prèske mwatye nan tout pasaje nan tren yo, ak yon pati nan mache ki se 40% nan vwayaj ki peye yo. Prèske 100% nan tout tranzaksyon OMNY yo fèt sou pwòp aparèy oswa kat pèsonèl kliyan yo, sa ki fè MTA a inik nan pamí sistèm transpò Ameriken Dinò yo.

An oktòb, OMNY te lanse pou kliyan nan Tarif Redui, ki kounye a kapab chanje soti nan MetroCard pou moute ak aparèy pèsonèl yo oswa kat san kontak yo. Kliyan ki gen tarif redui yo ka fè chanjman soti nan MetroCard pou pase nan OMNY sou entènèt ki byen transparan avèk asistan dijital OMNY an ki disponib 24/7 nan OMNY.info.

Nou kapab wè yon vidéyo eksplikatif pou kliyan yo ki vle pase nan OMNY isit la.

Prezidan Transpò Komen Vil New York (New York City Transit) la, Richard Davey, te deklare, "Wè anpil pasaje retounen, epi sèvi ak OMNY pou fè sa, se yon vòt konfyans nan tout mezi NYC Transit te pran pou bay sèvis ki pi vit, pi pwòp ak pi an sekirite. Nouyòkè yo se vwayajè ki gen konesans; yo konprann kouch komodite OMNY pote yo. Soti nan pwogram "Lucky 13" ki ka fè vwayaj gratis pou rive nan sote liy lan lè w peye ak aparèy pèsonèl ou oswa kat ou, li adapte pou ajitasyon vil la."

Direktè Pwovizwa Sèvis Kliyan MTA, Shanifah Rieara, te deklare, "Kliyan yo ap andose facilite ak komodite OMNY nan yon kantite k ap grandi. Pandan n ap kontinye ede plis kliyan nan Tarif ki Redui yo ak lòt pasaje yo chanje pou ale nan OMNY nan Sant Sèvis Kliyantèl la nan tout sistèm nan, gen pi plis kliyan ki pral itilize kat yo pou antre sistèm nan semèn ak mwa k ap vini yo."

####

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)